


唐詩類苑



唐詩類苑第五卷

仁和卓明卿澂父編輯

華亭張之象玄超

長洲毛文蔚豹孫同校

歲時部

春

王維早春行一首

紫梅發初遍黃鳥歌猶澁誰家折楊女弄春如不及
愛水看粧坐羞人映花立香畏風吹散衣愁露霑濕
玉閨青門裏日落香車入游衍益相思含啼向綵帷

唐詩卷之五
憶君長入夢歸晚更生疑不及紅簷燕雙栖綠草時
李白早春寄漢陽一首

聞道春還未相識起傍寒梅訪消息昨夜東風入武
陽陌頭楊柳黃金色碧水浩浩雲茫茫美人不來空
斷腸預拂青山一片石與君連日醉壺觴

陳叔達首春一首

雲花聯玉樹冰彩散瑤池翔禽遙出沒積翠遠參差

王績初春一首

春來日漸長醉客喜年光稍覺池亭好偏宜酒壺香

太宗首春一首

寒隨窮律變春逐鳥聲開初風飄帶柳曉雪間苑梅
碧林青舊竹綠沼翠新苔芝田初馬去綺樹未鶯來
蘇味道初春行宮侍宴應制得天字一首

溫液吐涓涓跳波急應絃簪裾承睿賞花柳發韶年
聖酒千鍾洽宸章七曜懸微臣從此醉還似夢鈞天
杜審言和晉陵陸丞早春游望一首

獨有宦遊人偏驚物候新雲霞出海曙梅柳度江春
淑氣催黃鳥晴光轉綠蘋忽聞歌古調歸思欲霑巾
上官儀早春桂林殿應詔一首

步輦出披香清歌臨太液曉樹流鶯浦春堤芳草積

風色翻露文雪花上空碧花蝶來未已山光曖時夕
陳叔達早春桂林殿應詔一首

金鋪照春色玉律動年華朱樓雲似蓋丹桂雪如花
木岸御階轉風條出柳斜輕輿臨太液湛露酌流霞
岑參陪使君早春東郊遊眺一首

太守擁朱輪東郊物候新鶯聲隨坐嘯柳色喚行春
谷口雲迎馬溪邊水照人郡中叨佐理何幸接芳塵
杜甫奉酬李都督表丈春作一首

力疾坐清曉來詩悲早春轉添愁伴客更覺老隨人
紅入桃花嫩青歸柳葉新望鄉應未已四海尚風塵

張說同趙侍御巴陵早春作一首

江上春來早可觀巧將春物妬餘寒水苔共繞留鳥
石花鳥爭開閨鴨欄佩勝芳辰日漸煖燃灯羨夜月
初圓憶隨北鴈雲飛去直待南洲蕙草殘

高適同陳留崔司戶早春宴蓬池一首

同官載酒出郊圻晴日東馳鴈北飛隄岸春雲邀翰
墨傍簷垂柳報芳菲池邊轉覺虛無盡臺上偏宜酌
酌歸州縣徒勞那可度後時連騎莫相違

岑參首春渭西郊行看藍田張二主簿一首

回風度雨渭城西細草新花踏作泥秦女峰頭雪未

精詩類苑卷之五
三
盡胡公陂上日初低
愁窺白髮羞徵祿
悔別青山憶舊溪
聞道輞川多勝事
玉壺春酒正堪携

張子容長安早春一首

開國移東井
城池對北辰
咸歌太平日
共樂建寅春
雪盡黃山樹
冰開黑水津
草迎金埒馬
花醉玉樓人
鴻漸看無數
鶯歌聽欲頻
何當桂枝擢
還及柳條新

王績春日一首

前旦出園遊
林華都未有
今朝下堂來
池冰開已久
雪被南軒梅
風催北庭柳
遙呼竈前妾
却報机中婦
年光恰恰來
滿壺營春酒

陳叔達初年一首

和風起天路
巖氣銷冰井
索索枝未柔
厭厭漏猶未
宋之問新年一首

鄉心新歲切
天畔獨潛然
老至居人下
春歸在客先
嶺猿同旦暮
江柳共風煙
已似長沙傳
從今又幾年
李白春日行一首

深宮高樓入紫清
金作蛟龍盤繡楹
佳人當窓弄白
日絃將手語彈鳴
箏春風吹落君王耳
此曲乃是昇
天行因出天池汎
蓬瀛樓臺蹙沓波浪驚
三千雙蛾
獻歌笑搗鍾考鼓
宮殿傾萬姓聚歌舞
太平我無爲

人自寧三十六帝欲相迎仙人飄翻下雲輶帝不去
留鑄京安能為軒轅獨往入宵冥小臣拜獻南山壽
陛下萬古垂鴻名

元萬頃奉和春日二首

花輕蝶亂仙人杏葉密鶯喧帝女桑飛雲閣上春應
至明月樓中夜未央

又

鳳輦迎風乘紫閣鸞車避日轉彤闈中堂促管淹春
望後殿清歌開夜扉

玄宗春日出苑遊囑一首太子時作

三陽麗景早芳辰四序佳園物候新梅花百般障去
路垂柳千條暗回津鳥飛直為驚風葉魚沒都由怯
岸人惟願聖主南山壽何愁不賞萬年春

張說奉和春日出苑囑目應令一首

禁林艷裔發春陽春望逍遙出畫堂雨洗亭臯千畝
綠風吹梅李一園香鶴飛不去隨青管魚躍翻來入
綵航睿賞歡承天保定邁文更覩日重光

賈曾奉和春日出苑囑目應令一首

銅龍曉關開安迴金輅春遊博望開渭水晴光搖草
樹終南佳氣入樓臺招賢已從商山老托乘還微艱

下才臣在東周獨留滯忻逢睿藻日邇來

劉憲奉和春日幸望春宮應制一首

暮春春色最便妍苑裏花開列御筵商山積翠連城
起澹水浮光共幕連鶯藏嫩柳歌相喚蝶碍芳叢舞
不前歡娛節物今如此願奉宸遊億萬年

張說奉和聖製春日幸望春宮應制一首

別館芳菲上苑東飛花澹蕩舞筵紅城臨渭水天河
淨闕對南山雨露通繞殿流鶯凡幾樹當蹊乱蝶許
多叢春遊旣醉心和樂共識皇恩造化同

崔日用奉和聖製春日幸望春宮應制一首

東郊萬物正薰馨素澹鳧鷖戲綠汀鳳閣斜通平樂
觀龍旂直逼望春亭光風搖動蘭英紫淑氣依遲柳
色青渭浦明晨修禊事群臣傾賀水心銘

蘇頌奉和聖製春日幸望春宮應制一首

東望七春七可憐史逢晴日柳含烟宮中下見南山
盡城上平臨北斗懸細草偏承迴輦處飛花故落舞
觴前宸遊對此歡無極鳥弄歌聲襍管絃

李嶠奉和聖製春日幸望春宮應制一首

東城結宇瞰千尋北闕迴輿具四臨麗日祥煙承罩
畢輕萋弱草藉衣簪秦閣重沓雲崑近河消縈紆霧

唐詩類苑 卷之五 九
壑深謬接鴛鸞陪賞樂還欣魚鳥逐飛沉

帝元旦奉和聖製春日幸望春宮應制一首

九重樓閣半山阿四望韶陽春未賒侍蹕妍歌臨灞
涘番觴艷舞出京華危竿競捧中衡日戲馬爭銜上
苑花景色歡娛長若此承恩不醉不還家

馬懷素奉和聖製春日幸望春宮應制一首

綠萼瑤輿俯碧潏行春御氣發皇心搖風細柳縈馳
道映日輕花出禁林通禁園亭開帝幕連堤草樹狎
衣簪謬參西掖霑堯酒願沐南薰滿舜琴

沈佺期奉和聖製春日幸望春宮應制一首

芳郊綠樹散春晴複道離宮煙霧生楊柳千條花欲
綻蒲萄百丈蔓初紫林香酒氣元相入鳥嘯歌聲各
自成是日風光牽宿醉來晨復得幸昆明

崔湜奉和聖製春日幸望春宮應制一首

澹蕩春光滿曉空逍遙御輦入離宮山河眺望雲天
外臺榭參差煙霧中庭際花飛錦繡合枝間鳥嘯管
絃同即此歡娛齊鎬宴唯應率舞樂薰風

薛稷奉和聖製春日幸望春宮制一首

九春風景足林泉四面雲霞敞御筵花鏤黃山繡作
苑草圖玄灞錦爲川飛觴競醉心迴日走馬爭看眼

著鞭喜奉仙遊歸路遠直論行樂不言旋

李適奉和聖製昧幸望春宮應制一首

玉輦金輿天上來花園四望錦屏開
輕絲半拂朱門柳細纈全披畫閣梅
蝶舞飛行飄御席鶯歌度曲繞仙杯
聖詞今日光輝滿漢主秋風莫道才

鄭愔奉和聖製春日幸望春宮應制一首

晨蹕凌高轉翠旌春樓望遠背朱城
忽排花上游天苑却坐雲邊看帝京
百草香心似冒蝶千林嫩葉始藏鶯
幸同葵藿傾陽早願比盤根應帝榮

閻朝隱奉和聖製春日幸望春宮一首

勾芒人面乘兩龍道是春神衛九重
綵勝年年逢七日醮醮歲歲滿千鐘
宮梅間雪祥光遍城柳含烟淑氣濃
醉倒君前情未盡願因歌舞自爲容

宋之問春日芙蓉園侍宴應制二首

芙蓉秦地沼蘆檣漢家園谷轉斜盤徑
川迴曲抱源風來花自舞春入鳥能言
侍宴瑤池夕歸途騎吹繁

又

年光竹裏遍春色杏間遙煙氣籠青閣
流文蕩畫橋飛花隨蝶舞艷曲伴鶯嬌
今日陪歡豫還疑陟紫霄

李乂春日芙蓉園侍宴應制一首

水殿臨丹籞山樓遶翠微昔遊人託乘今幸帝垂衣
澗篠綠峯合崑花逗浦飛朝回曲江地無處不光輝

蘇頲春日芙蓉園侍宴應制一首

御道紅旂出芳園翠輦遊繞花開水殿架竹起山樓
荷芰輕薰幄魚龍出負舟寧知穆天子空賦白雲秋

姚崇春日洛陽城侍宴一首

南山開寶曆北渚對芳蹊的歷風梅度參差露草低
堯樽臨上席舜樂下前溪任重由來醉乘酣志轉迷

李白春日獨坐寄鄭明府一首

燕麥青游子悲河堤弱柳爵金枝長條一拂春風

去盡日飄揚無定時我在河南別離久那堪坐此對
窓牖情人道來竟不來何人共醉新豐酒

杜審言春日一首

心是傷歸望春歸異往年河山鑒魏闕桑梓憶秦川
花襍芳園鳥風和綠埜煙更懷歡賞地車馬洛橋邊

劉希夷春日行歌一首

山樹落梅花飛落野人家野人何所有蒲甕陽春酒
携酒向春臺行歌伴落梅醉罷卧明月乘夢遊天台

楊思道春朝閑步一首

休沐乘閑豫清晨步北林池塘藉芳草蘭芷襲幽衿

霧中分曉日花裏弄春禽野徑香恒滿山階筍屐侵
何須命輕蓋桃李自成陰

李華春行寄興一首

宜陽城下草萋萋澗水東流復向西芳樹無人花自
落春山一路鳥空啼

岑參春興戲題贈李侯

黃雀始欲銜花來君家種桃花未開長安二月眼看
盡寄報春風早爲催

獨孤及山中春思一首

懶祭川水大人家春日長獨誼晝不暮搔首慙年芳

薜草知節換含葩向新陽不嫌三徑深爲我生池塘
亭午井竈開雀聲嚮空倉花落沒殺齒風動群木香
歸路雲水外天涯杳茫七獨倦萬里心深入山鳥行
芳景勿相迫春愁未遽忘

張九齡題春意一首

一作江南守江林三四春相鳴不及鳥相樂喜閑人
日守朱絲直年催華髮新淮陽祇有卧持此度芳辰

王勃春遊一首

客念紛無極春淚倍成行今朝花樹下不覺恋年光

張仲素春遊曲三首

煙柳飛輕絮風榆落小錢濛
七百花裏羅綺兢鞦韆

二

騁望登香閣爭高下砌臺林間踏青去席上意錢來

三

行樂三春節林七百和香當年重意先氣占聞鷄場

王維遊春曲二首

萬樹江邊杏新開一夜風滿園深淺色照在綠波中

二

上苑無窮樹花開次第新香車與絲騎風靜亦生塵

王維遊春詞二首

曲江絲柳變煙條寒谷冰隨暖氣銷纔見春光生綺陌已聞清樂動雲韶

又

經過柳陌與桃溪尋逐春光著處迷鳥度時時衝絮起花繁袞袞壓枝低

文德皇后遊春曲一首

上苑杏花朝日明蘭闥闔安動春情井上新桃偷而色簷前嫩柳學身輕花中去來看舞蝶樹上長短聽鳴鶯林下何須遠借問出衆風流舊有名

張子容春江花月夜二首

唐詩卷之五
林花發岸口氣色動江新此夜江中月流光花上春
分明石潭裏宜照浣沙人

又

交甫憐瑤珮仙妃難重期沉沉綠江曉惆悵碧雲姿
初逢花上月言是弄珠時

吳象之陽春曲一首

簾低曉露溫簾捲鶯聲急欲起把篋篋如凝彩絃澁
孤眠愁不轉點淚聲相及淨掃堦上花風來更吹入

李白陽春歌一首

長安白日照春空綠楊結煙垂裊風披香殿前花始

紅流光發色繡戶中繡戶中相經過飛燕皇后輕身
舞紫宮夫人絕世歌聖君三萬六千日歲歲年七柰
樂何

賈至西春亭望一首

日長風煖柳青青北鴈歸飛入窅冥岳陽城上聞吹
笛能使春心滿洞庭

薛稷春日登樓野望一首

憑軒聊一望春色幾芳菲野外煙初合樓前花正飛
嬌鶯弄新嚮斜日散餘輝誰恐孤遊客言念獨依依

杜甫春望一首

國破山河在城春草木深感時花濺淚恨別鳥驚心
烽火連三月家書抵萬金白頭搔更短渾欲不勝簪

陳子昂春臺一首

感陽春兮生碧草之油油懷宇宙以湯湯遂登高臺
而寫憂遲美人兮不見恐青歲之還道從畢公以酣
飲寄林塘而一留採芳蒞于北渚憶桂樹于南州何
雲木之英麗而池館之崇幽星臺秀士月旦諸子嘉
青鳥之辰迎火龍之始挾寶書與瑤瑟芳蕙華而蘭
靡乃掩白蘋藉綠芷酒旣醉樂未已擊青鐘歌綠水
怨青春之萎絕贈瑤華之旖旎願一見而導意結衆

芳之綢繆曷余之情蕩潏矚青雲以增愁恨三山之
飛鶴憶海上之白鷗重日群仙去兮青春頽歲華歎
兮黃鳥哀富貴榮樂幾時兮朱宮翠堂生青苔白雲
兮歸來

宋之問春湖古意一首

院梅發向尺園鳥復成曲落日遊南湖果擲顏如玉
含情不得語轉盼知所屬惆悵未可歸寧關須暮叢

王勃春園一首

山泉兩處晚花柳一園春還持千日醉共作百年人

王勃春莊一首

山春蘭葉徑城外李桃園直知人事靜不覺鳥聲喧
岑參山房春事二首
風恬日暖蕩春光戲蝶遊蜂亂入房數枝門柳低衣
桁一片山花落筆牀

又

梁園日暮亂飛鴉極目蕭條三兩家庭樹不知人死
盡春來還發舊時花

岑參丘中春卧寄王子一首

田中開白室林下閉玄關卷跡人方虜無心雲自閑
竹深喧暮鳥花缺露春山勝事那能說王孫去未還

韋述春山庄一首

初歲開韶月田家喜載陽晚晴搖水態遲景蕩山光
浦淨漁舟遠花飛樵路香自然成埜趣都使俗情忘

張均江上逢春一首

離憂耿未知春慮忽蹉跎擇木猿知去尋泥燕獨過
驚花翻霽日垂柳拂煙波激意屢怡賞無如鄉念何

杜甫春日江村五首

農務村村急春流岸上深乾坤萬里眼時序百年心
茅屋還堪賦桃源自可尋艱難昧生理飄泊到如今

又

唐詩類苑 卷之三
迢遞來三蜀蹉跎又六年客身逢故舊發興自林泉
過懶從衣結煩遊任履穿藩籬頗無限恣意向江天

又

種竹交加翠栽桃爛熳紅經心石鏡月到面雪山風
赤管隨王命銀章付老翁豈知牙齒落名玷薦賢中

又

扶病垂朱紱歸休步紫苔郊扉存晚計幕府媿群才
燕外情絲捲鷗邊水葉開鄰家送魚鱉問我數能來

又

群盜哀王粲中年召賈生登樓初有作前席竟爲榮

宅人先賢傳才高處士名異時懷二子春日復含情

張均巴丘春作一首

日出洞庭水春山挂斷霞江渚相映發卉木共紛華
湘戍南浮澗荆關北望賒湖陰窺魍魎丘勢辨巴蛇
島戶巢爲館漁人艇作家自憐心間景三歲客長沙

李白春感一首

萍上南與北道直事難諧榆莢錢生樹楊花玉糝街
塵縈遊子面蝶弄美人釵如憶青山去雲門掩竹齋

孟浩然春晚一首

春眠不覺曉處處聞啼鳥夜來風雨聲花落知多少

劉希夷晚春一首

佳人眠洞房回首見垂楊寒盡鴛鴦被春生玳瑁床
庭陰暮青靄簾影散紅芳寄語同心伴迎春且薄粧
王維 晚春嚴少尹與諸公見過一首

松菊荒三徑圖書共五車烹葵邀上客看竹到貧家
鵲乳先春草鶯啼過落花自憐黃髮暮一倍惜年華
岑參 河西春暮憶秦中一首

渭北春已老河西人未歸邊城細草出客館梨花飛
別後鄉夢數昨來家信稀涼州三月半猶脫未寒衣
孟浩然 晚春一首

二月湖水清家七春鳥鳴林花掃更落徑草踏還生
酒伴來相命開尊共解醒當杯已入于歌妓莫停聲
杜甫 暮春一首

卧病擁塞在峽中瀟湘洞庭虛映空楚天不斷四時
雨巫峽長吹萬里風沙上草閣柳新暗城邊埜池蓮
欲紅暮春鴛鴦立洲渚挾子翻飛還一叢

杜甫即事一首

暮春三月巫峽長晶匕行雲浮日光雷聲忽送千峯
雨花氣渾如百和香黃鶯過水翻廻去紫燕銜泥温
不妨飛閣卷簾圖畫裏虛無只少對瀟湘

王維送春辭一首

日日人空老年七春更歸相歡在尊酒不用惜花飛

杜甫傷春五首

天下兵雖滿春光日自濃西京疲白戰北闕任群雉
關塞三千里煙花一萬重蒙塵清露急御宿且誰供
殷復前王道周遷舊國容蓬萊足雲氣應合總從龍

又

鶯入新年語花開舊故枝大清風卷幔草碧水通池
牢落官軍速蕭條萬事遠鬢毛元自白淚點向來垂
不是無兄弟其如有別離巴山春色靜北望轉逶迤

又

日月還相關星辰屢合圍不成誅執法焉得變危機
大用纏兵氣鉤陳出帝畿烟塵昏御道耆舊把天衣
行在諸軍闕來朝大將稀賢多隱屠釣王肯載同歸

又

再有朝廷亂難知消息真近傳王在洛復道使歸秦
奪馬悲公主登車泣貴嬪蕭關迷北上滄海欲東巡
敢料安危體猶多老大臣豈無稽紹血霑洒屬車塵

又

聞說初東幸孤兒却走多難分大倉粟競棄魯陽戈

唐詩卷之五
胡虜登前殿王公出御河得無中夜舞誰憶大風歌
春色生烽燧幽人泣薜蘿君臣重脩德猶足見時和

杜甫可惜一首

花飛有底急老去願春遲可惜歡娛地都非少壯時
寬心應是酒遣興莫過詩此意陶潛解吾生後汝期

杜甫絕句二首

遲日江山麗春風花草香泥融飛燕子沙暖睡鴛鴦

又

江碧鳥逾白山青花欲然今春看又過何日是歸年

杜甫絕句一首

江邊踏青罷回首見旌旗風起春城暮高樓鼓角悲

杜甫絕句漫興九首

眼見客愁上不醒無賴春色到江亭即遣花開深造
次便教鶯語太丁寧

二

熟知茅齋絕低小江上燕子故來頻
銜泥點污琴書內更接飛虫打著人

三

手種桃李非無主野老墻低還是家
恰似春風相欺得夜來吹折數枝花

四

二月已破三月來
漸老逢春能幾回
莫思身外無窮事
且盡生前有限杯

五

腸斷春江欲盡頭
杖藜徐步立芳洲
顛狂柳絮隨風去
輕薄桃花逐水流

六

懶慢無堪不出村
呼兒自在掩柴門
蒼苔濁酒林中
靜碧水春風野外昏

七

糝徑楊花鋪白毡
點溪荷葉疊青錢
筍根稚子無人
見沙上鳧雛傍母眠

八

舍西柔桑葉可拈
江上細麥復纖
人生幾何春已
夏不放香醪如蜜甜

九

隔戶楊柳弱嫋
恰似十五女兒腰
誰謂朝來不作
意狂風撓斷最長條

杜甫漫成二首

野日荒荒白江流
泯泯青渚蒲隨地
有村徑逐門成

唐詩卷之五 十九
只作披衣慣常從漉酒生眼邊無俗物多病也身輕

又

江臯已仲春花下復清晨仰面貪看鳥回頭錯應人
讀書難自過對酒滿壺頻近識峨眉老知余懶是真

杜甫早起一首

春來常早起幽事頗相關帖石防隤岸開林出遠山
一丘藏曲折緩步有躋攀童僕來城市瓶中得酒還

杜甫落一首

落日在簾鈞溪邊春事幽芳菲綠岸圃樵爨倚灘舟
啄雀爭枝墜飛蟲滿院遊濁醪誰造汝一酌散千憂

杜甫畏人一首

早花隨處發春鳥異方啼萬里清江上三年落日低
畏人成小築福性合幽棲門逕從榛草無心待馬蹄

荆冬倩奉試詠青一首

路關天光遠春還月道臨草濃河畔色槐結路邊陰
未映君王史先標胄子襟經明如可拾自有致雲心

杜甫春遠一首

蕭蕭花絮晚霏霏紅素輕日長唯鳥雀春遠獨柴荆
數有關中亂何曾劔外清故鄉歸不得地入亞夫營
張九齡武司功初有幽庭春暄見詒夏首獲

見以詩報焉一首

芳月盡離居幽懷重起予雖言春事晚尚想物華初
遲日暎方照高齋澹復虛笋成林向密花落樹應疎
贈鯉情無間求鶯思有餘暄妍不相待含歎欲焉如

夏

太宗初夏一首

一朝春夏改隔夜鳥花遷陰陽深淺葉曉夕重輕烟
啁鶯猶響殿橫絲正網天珮高蘭影接綬細草文連
碧鱗驚棹側玄燕舞澹前何必汾陽處始復有山泉

太宗賦得夏首啓節一首

北闕三春晚南榮九夏初黃鶯啁漸變翠林花落餘
瀑流還響石猿啼自應虛早荷向心卷長楊就影舒
此時歡不及調軫坐相於

岑參夏初醴泉南樓送太康顏少府一首

何地堪相餞南樓出萬家可憐高處送遠見故人車
野果新成子庭槐欲作花愛君兄弟好書向穎中誇

杜甫夏日歎一首

夏日出東北陵天經中街朱光徹厚地鬱蒸何由開
上蒼久無雷無乃號令乖雨降不濡物良田起黃埃
飛鳥苦熱死池魚涸其泥萬人尚流冗舉目惟蒿萊

至今大河北盡作虎與豺浩蕩想幽薊王師安在哉
對食不能食我心殊未諧眇然貞觀初難與數子偕

太宗夏日聯句一首

人皆苦炎熱我愛夏日長太宗薰風自南來殿閣生
微涼褚遂良

宋之問夏日仙萼亭應制一首

高嶺逼星河乘輿此日過野合時雨潤山襟夏雲多
睿藻光崑穴宸襟洽薜蘿悠然小天下歸路滿笙歌

李白夏日山中一首

嬾搖白羽扇裸體青林中脫巾挂石壁露頂洒松風

駱賓王夏日遊目聊作一首

暫屏囂塵累言尋物外情志逸心逾默神幽體自輕
浦夏荷香滿田秋麥氣清詎假滄浪上將濯楚臣纓

駱賓王夏日遊山家同夏少府一首

返照下層岑物外狎招尋蘭徑薰幽佩槐庭落暗金
谷靜風聲徹山空月色深一遣樊籠累惟餘松桂心
孟浩然夏日辨玉法師菰齋一首

夏日菰齋裏無風坐亦涼竹林深笋穉藤架引稍長
燕覓巢窠處蜂來造蜜房物華皆可玩花萼四時芳

盧照隣和夏日幽莊一首

唐詩卷之五
元卷之五
聞有高蹤客耿介坐幽莊林壑人事少風煙鳥路長
瀑水含秋氣垂騰引夏涼苗深全覆隴荷上半侵塘
釣渚青鳧沒村田白鷺翔知君振奇藻還嗣海隅芳

楊師道奉和夏日晚景應詔一首

輦路夾垂楊離宮通建章日落橫峯影雲歸起夕涼
雕軒動流吹羽蓋息迴塘雜草生還綠殘花踈尚香
青巖類姑射碧澗似汾陽幸屬無爲日歡娛方未央

陳子昂南山家園林木交映盛夏五月幽然

清涼獨坐思遠率成十韻一首

寂寥守窮巷幽獨卧空林松竹生虛白階庭懷古今

鬱蒸炎夏晚棟宇闕清陰軒窓交紫靄簷戶對蒼岑
鳳蘊仙人籙鸞歌素女琴忘机委人代閉牖察大心
蛺蝶憐紅藥蜻蜓愛碧潯坐觀萬象化方見百年侵
擾七將何具青七長苦吟願隨白雲駕龍鶴相招尋

杜甫夏夜嘆一首

永日不可暮炎蒸毒我腸安得萬里風飄颻吹我裳
昊天出華月茂林延踈光仲夏苦夜短開軒納微涼
虎明見織毫羽虫亦飛揚物情無巨細自適固其常
念彼荷戈士窮年守邊疆何由一洗濯執執互相望
竟夕擊刁斗喧聲連萬方青紫雖被體不如早還鄉

北城悲笳發鶴鶴號且翔况復煩促倦激烈思特康
蘇頲小園納涼即事一首

煩暑避鬱蒸歸閑習高明長風自遠來層閣有餘清
散洒納涼氣蕭條遺世情柰何誇大隱終日繫塵纓
王維納涼一首

喬木萬餘株清流貫其中前臨大川口豁達來長風
漣漪溼白沙素鮪如遊空偃卧盤石上翻濤沃微躬
漱流復濯足前對釣魚翁貪餌凡幾許徒思蓮葉東
李白安州般若寺水閣納涼喜遇薛員外又
一首

翛然金園賞遠近含晴光樓臺成海氣草木皆大香
忽逢青雲士共解丹霞裳水退池上熱風生松下涼
探討破萬象寒窺臨衆芳而我遺有漏與君用無方
心垢都未滅末言題禪房

樓穎東郊納涼憶左威衛李錄事收昆季太原
崔叅軍三首并序

僕三伏于通化門東北數里避暑之地地即故
倅天官顧公之舊林今二冢宰君李公之別業
右抵禁籞斜界沁園空水相暉步虹橋而下視
竹木交映弄仙棹而傍窺足滌煩襟陶蒸暑獨

往成興恨不與數公共之率然有作因以見意
水竹誰家宅幽庭向苑門今知季倫沼舊是辟疆園
飢鷺窺魚靜鳴鷓帶子喧興成祇自適欲白反忘言

又

納涼每選地近得青門東林與繚垣接池將沁水通
枝交帝女樹橋映美人虹想是忘機者悠悠在興中

又

林間求適意池上得清飈稍七斜回擲時時一度橋
水光壁際動山影浪中搖不見李元禮神仙何處要

盧象追涼歷下古城西北一首

謝眺出華省王祥貽佩刀前賢真可慕衰疾意空勞
貞晦不日卜遊隨共尔曹未能齊得喪時復誦離騷
閑蔭七賢地醉食二士桃蒼苔虞舜井喬木古城壕
漁父偏和狎堯年不可逝蟬鳴秋雨霽雲白曉山高
咫尺傳雙鯉吹噓借一毛故人皆得路誰肯念同胞

唐詩類苑第五終

唐詩類苑第六卷

仁和卓明卿澂父編輯

華亭張之象玄超

長洲毛文蔚豹孫同校

歲時部

秋

賈至巴陵早秋寄荊州崔司馬吏部閻功曹

一首

謫居湘水渚再見洞庭秋極目連江漢西南浸斗牛
滔滔盪雲夢淡淡搖巴丘曠如臨渤澥窅疑造瀛洲

君山麗中波蒼翠長夜浮帝子去永久楚詞尚悲愁
我同長沙行時事加百憂登高望舊國胡馬滿東州
苑葉遍蓬蒿楚鄧無良疇獨攀青楓樹淚洒滄江流
故人西掖寮同扈岐陽蒐差池盡三黜躑躅各南川
相去雖地近不得從之遊耿耿雲陽臺迢迢王粲樓
跂予暮雲裏誰謂無輕舟

孟浩然初秋一首

不覺初秋夜漸長清風習習重淒涼炎暑退茅齋
靜堦下叢莎看露光

太宗儀鸞殿早秋一首

寒驚薊門葉秋發小山枝松陰背日轉竹影避風移
提壺菊花岸高興芙蓉池欲知涼風早巢空燕不窺
許敬宗奉和儀鸞殿早秋應制一首

睿想追嘉豫臨軒御早秋斜暉麗粉壁清吹肅朱樓
高殿凝陰滿雕窓艷曲流小臣參廣宴大造諒難酬
李白太原早秋一首

歲落衆芳歇時當大火流霜威出塞早雲色渡河秋
夢繞邊城月心飛故國樓思歸若汾水無日不悠悠
王維早秋山中作一首

無才不敢累明時思向東溪守故籬豈厭向平婚嫁

早却嫌陶令去官遲
草間虫響臨秋急
山裏蟬聲薄
暮悲寂寞柴門人不到
空林獨與白雲期

劉禕之九成宮秋初應詔一首

帝圃疏金闕
仙臺駐玉鑾
野分鳴鶯岫
路接寶鷄壇
林樹千霜積
神宮四序寒
蟬急知秋早
鶯踈覺夏闌
怡神紫氣外
凝睇白雲端
舜海詞波發
空驚遊聖難

太宗秋度一首

夏律昨番灰
秋箭今移畧
峨眉岫初出
洞庭波漸起
桂白發幽崑
菊黃開灞浹
運流方可嘆
含毫屬微理

蘇頲汾上驚秋一首

北風吹白雲
萬里渡河汾
心緒逢搖落
秋聲不可聞

太宗秋日二首

爽氣澄蘭沼
秋風動桂林
露凝千片玉
菊散一叢金
日岫高低影
雲空點綴陰
蓬瀛不可望
泉石且娛心

又

菊散金風起
荷踈玉露圓
將秋數行雁
離夏幾林蟬
雲凝愁半嶺
霧碎纈高天
還似成都望
直見峨眉前

袁朗秋日加詔一首

玉樹涼風舉
金塘細草萎
葉落商飈觀
鴻歸明月池
迎風桂酒熟
含霧菊花垂
一奉章臺宴
千秋長願斯

太宗五言秋日效庾信體一首

嶺啣宵月桂珠穿曉露叢
蟬啼覺樹冷螢火不溫風
花生圓菊蕊荷盡戲魚通
晨浦鳴飛鴈夕渚集棲鴻
颯上高天吹氛澄下熾空

太宗秋日卽目一首

爽氣浮丹闕秋光澹紫宮
衣碎荷踈影花明菊點叢
袍輕低草露蓋側舞松風
散岫飄雪葉迷路飛烟鴻
砌冷蘭凋佩閨寒樹隕桐
別鶴悽琴裏離猿啼峽中
落野飛星箭弦虛半月弓
芳菲夕露起暮色蒲房櫳
許敬宗奉和應制卽目秋日一首

玉露交珠網金風度綺錢
昆明秋景淡岐岫落霞然
辭燕歸寒海來鴻出遠天
葉動羅帷颺花映綉衣鮮
規空昇闈魄籠野散輕烟
鵲度林光起鳧沒水文圓
無机絡秋緯如管奏寒蟬
乃睠情何極宸襟豫有旃
上官儀奉和秋日卽目應制一首

上苑通平樂神池邇建章
樓臺相掩映城闕互相望
緹油泛行幔簫吹轉浮梁
晚雲含朔氣斜照蕩秋光
落葉飄蟬影平流寫鴈行
槿散凌風緝荷銷裊露香
仙歌臨桂渚玄豫歷長楊
歸路乘明月千門開未央
宋之問始安秋日一首

唐詩類苑 卷之六 歲時部 四
桂林風景異秋似洛陽春晚霽江天好分明愁殺人
卷雲山鱗七碎石水磷磷世業事黃老妙年孤隱淪
歸歟卧滄海何物貴吾身

高適秋日作一首

端居值秋節此日更愁新寂寞無一事蒿萊通四隣
閉門生白髮迴首憶青春歲月不相待交遊隨衆人
雲霄何處託愚直有誰親舉酒聊自勸窮通信爾身

李白秋夕書懷一首

北風吹海鴈南渡客寒聲感此瀟湘客悽其流浪情
海懷結滄洲霞想遊赤城始探蓬壺事旋覺天地輕

澹然吟高秋閑卧瞻太清蘿月掩空幕松霜結前楹
滅見息群動微窮至精桃花有源水可以保吾生
王維秋夜獨坐懷內弟崔興宗二首

夜靜群動息蟋蟀聲悠悠庭槐北風響日夕方高秋
思子整羽翰及時當雲浮吾生將白首歲晏思滄洲
高足在且暮肯爲南畝儔

李嶷淮南秋夜呈同僚一首

天靜河漢高夜聞砧杵發清秋忽如此離恨應難歇
風刮池上萍露光竹間月與君共遊處勿作他鄉別

太宗遼東山夜臨秋一首

烟生遙岸隱月落半岸陰連山驚鳥亂隔岫斷猿吟
上官儀奉和山夜臨秋一首

殿帳清炎氣輦道含秋陰淒風移漢筑流水入虞琴
雲飛送斷鴈月上淨踈林滴瀝露枝響空濛烟壑深
太宗秋夜翠微宮一首

秋光凝翠嶺涼吹肅離宮荷踈一蓋缺樹冷半帷空
側陣移鴻影圓花釘菊叢攄懷俗塵外高眺白雲中

太宗初秋夜坐一首

斜廊連綺閣初月照宵帷寒冷鴻飛疾園秋蟬噪遲
露結林踈葉寒輕菊吐滋愁心逢此節長嘆獨含悲

楊思道初秋夜坐應詔一首

玉琯涼初應金壺夜漸闌蒼池流稍潔仙掌露方圓
鴈聲風處斷樹影月中寒爽氣長空淨高吟覺思寬

袁朗秋夜獨坐一首

危絃斷客心虛彈落驚禽故人白慮靜獨夜九悲深
枯蓬惟逐吹墜葉不歸林如何悲此曲坐作白頭吟

王維秋夜獨坐一首

獨坐悲雙鬢空堂欲二更雨中山果落燈下草虫鳴
白髮終難變黃金不可成欲知除老病惟有學無生

王維黎拾遺所裝迪見過秋夜對雨之作一

首

促織鳴已急輕衣行向重寒燈坐高館秋雨聞踈鐘
白法調狂象玄言問老龍何人願蓬逕空愧求羊蹤

王維山居秋暝一首

空山新雨後天氣晚來秋明月松間照清泉石上流
竹喧歸浣女蓮動下漁舟隨意春芳歇王孫自可留

李嶷林園秋夜作一首

林卧避殘暑白雲長在天賞心既如此對酒非徒然
月色徧秋露竹聲蕪夜泉涼風懷袖裏茲意與誰傳

岑參秋夕讀書幽興獻兵部李侍郎一首

年紀蹉跎四十強自憐頭白始爲郎雨滋苔蘚侵堦
綠秋颯梧桐覆井黃驚蟬也解求高樹旅雁還應厭
後行覽卷試穿隣舍壁明燈何惜借餘光

岑參秋思一首

那知芳歲晚坐見寒葉墜吾不如腐草翻飛作螢火

王維秋思二首

關川涼吹動輕衣夜聽更生玉漏稀月度天河光轉
濕鵲驚秋樹葉頻飛

又

宮連太液見滄波暑氣微消秋意多一夜輕風颯末

起露珠翻盡浦池荷

岑參鞏北秋興寄崔明允一首

白露披梧桐玄蟬晝夜號
秋風萬里動日暮黃雲高
君子佐休明小人似蒿蓬
所適在魚鳥焉能徇銚刀
孤舟向廣武一鳥歸成臯
勝槩日相與思君心鬱陶

王昌齡秋興一首

日暮西北堂涼風洗脩木
著書在南牕門館常肅肅
苔草延古意視聽轉幽獨
或問余所營刈黍就寒谷

杜甫秋興八首

玉露凋傷楓樹林巫山巫峽氣蕭森
江間波浪蕪天

湧塞上風雲接地陰叢菊兩開他日淚
孤舟一繫故園心
寒衣處處催刀尺白帝城高急暮砧

二

夔府孤城落日斜每依南斗望京華
聽猿實下三聲淚奉使虛隨八月槎
畫省香鑪遠伏枕山樓粉蝶隱悲笳
請看石上藤蘿月已暎洲前蘆荻花

三

千家山郭靜朝暉日七江樓坐翠微
信宿漁人還泛七清秋燕子故飛七
匡衡抗疏功名薄劉向傳經心事違
同學少年多不賤五陵衣馬自輕肥

唐詩選 卷之六 歲時部

四

聞道長安似奕棋百年世事不勝悲
王侯第宅皆新主文武衣冠異昔時
直北關山金鼓振征西車馬羽書遲
魚龍寂寞秋江冷故國平居有所思

五

蓬萊宮闕對南山承露金莖霄漢間
西望瑤池降王母東來紫氣滿
函關雲移雉尾開宮扇日繞龍鱗識
聖顏一卧滄江驚歲晚幾回青瑣點朝班

六

瞿塘峽口曲江頭萬里風烟接素秋
華萼夾城通御

氣芙蓉小苑人邊愁珠簾繡柱圍黃鵠
綿纜牙檣起

白鷗回首可憐歌舞地秦中自古帝王州

七

昆明池水漢時功武帝旌旗在眼中
織女机絲虛夜月石鯨鱗甲動
秋風波漂菰米沉雲黑露冷蓮房墜
粉紅關塞極天惟鳥道江湖蒲地一漁翁

八

昆吾御宿自逶迤紫閣峯陰入漢陂
香稻啄餘鸚鵡粒碧梧棲老鳳凰
枝佳人拾翠春相問仙侶同舟晚
更移綵筆昔曾干氣象白頭吟望苦
低垂

唐詩選 卷之六 歲時部 九 崧齋雕本

李白郢門秋懷一首

郢門一爲客巴月二成弦朔風正搖落行子愁歸旋
杳杳山外日茫茫江上天人迷洞庭水鴈度瀟湘烟
清曠諧宿好碯磷及此年百齡何蕩漾萬化相推遷
空謁蒼梧帝徒尋溟海仙已聞蓬岳淺豈見三桃園
倚劍增浩歎捫襟還自憐終當遊五湖濯足滄浪泉

李白江上秋懷一首

餐霞卧舊壑散髮謝遠遊山蟬號枯桑始復知天秋
朔鴈別海裔越燕辭江樓颯颯風捲沙茫茫霧縈洲
黃雲結暮色白水揚寒流惻愴心自悲潺湲淚難收

薊蘭方蕭瑟長嘆令人愁

賈至閒居秋懷寄陽翟陸贄府封丘高少府

一首

今日霖雨霽颯然高館涼秋風吹二毛烈士生慷慨
憶昔皇運初衆賓佝龍驥解巾佐幕府脫劍昇明堂
郁郁被塵雲昭昭翼太陽鯨魚縱大壑鸞鷲鳴高崗
信矣草創時天階速賢良一言頓遭逢片善蒙恩光
我生屬威明激感竊自強崎嶇郡邑權連蹇翰墨場
大朝富英髦多士如珪璋盛才溢下位蹇步徒猖狂
閉門對群書枕案在我旁枕席想遠遊聊欲浮滄浪

八月白露降玄蟬號枯桑艤舟臨清川迢迢愁思長
我有同懷友各在天一方離披不相見浩蕩隔兩鄉
半生處外期宿昔共行藏豈無蓬萊樹歲晏空蒼蒼

張九齡秋懷一首

忽昔芳時換誰知客思懸憶隨鴻向暖愁學馬思邊
留滯机還息紛挐網自牽東南起歸望何處是江天

閻寬秋懷一首

下帷長日盡虛館早涼生芳草猶未薦如何蜻蛚鳴
秋風已振衣客土何時歸為問當途者寧知心有遠

王昌齡秋山寄陳讜言一首

崑間寒事早衆山木已黃北風何蕭蕭茲夕露為霜
感激未能寐中宵時慨慷黃虫初悲鳴玄鳥去我樑
獨卧時易晚離群情更傷思君若不反鴻鴈今南翔

陶翰秋山夕興一首

山月松篠下月明山景鮮聊為高秋酌復此清夜絃
晤語方獲志栖心亦彌年尚言興未逸更理逍遙篇

蘇味道始背洛城秋郊矚目奉懷臺中諸侍

御一首

薄遊忝霜署直指戒冰心荔浦方南紀薊臯暫北臨
山晴閑塞斷川暮廣城陰塲圃通圭甸溝塍礙石林

野童來措拾出叟去謳吟蟋蟀秋風起蕪葭晚露深
帝城猶鬱鬱征傳幾駸駸迴憶披書地勞歌謝所欽

杜甫秋望五首

秋野日荒蕪寒江動碧虛繫舟蠻井絡卜宅楚村墟
棗熟從人打葵荒欲自鋤盤飧老夫食分減及溪魚

二

易識浮生理難交一物違水深魚極樂林茂鳥知歸
吾老耳貧病榮華有是非秋風吹几杖不厭北山薇

三

禮樂攻吾短山林引興長掉頭紗帽側曝背竹書光

風落收松子天寒割蜜房稀疎小紅翠駐屐近微香

四

遠岸秋沙白連山晚照紅潛鱗輸駭浪歸翼會高風
砧響家家發樵聲箇箇同飛霜任青女賜被隔南宮

五

身許麒麟畫年衰鴛鴦群大江秋易盛空峽夜多聞
遙隱千重石帆留一片雲兒童解蠻語不必作參軍

杜甫秋清一首

高秋踈肺氣白髮自能梳藥餌憎加減門庭悶掃除
杖藜還客拜愛竹遣兒書十月江平穩輕舟進所如

杜甫薄遊一首

浙浙風生砌團團月隱墻遙空秋鴈減半嶺暮雲長
病葉多先墜寒花只暫香巴城添淚眼今夕復清光

杜甫搖落一首

搖落巫山暮寒江東北流烟塵多戰鼓風浪少行舟
鵝費羲之墨貂餘季子裘長懷報明主卧病復高秋

岑參暮秋山行一首

疲馬卧長坂夕陽下通津山風吹空林颺上如有人
蒼旻霽涼雨石路無風塵千念集暮節萬籟悲蕭辰
鷓鴣昨夜鳴蕙草色已陳况在遠行客自然多苦辛

太宗山閣晚秋一首

山亭秋已滿巖牖涼風度踈蘭尚染塵殘菊猶承露
古石衣新苔新巢封古樹歷覽情無極咫尺輪光暮

太宗秋暮言志一首

朝光浮燒野霜華淨碧空結浪水初鏡在境菊方叢
約嶺烟深翠分旗霞散紅抽思滋泉側飛想傳崑中
已獲千箱慶何以繼薰風

許敬宗奉和秋暮言志應制一首

秋深桂始發寒總菊餘菲波擁群鳥至秋飄朔鴈歸
月莢生還落雲枝似復非凝宸闕西畝觀文佇少微

聖敬詣前哲先天諒不違

魏徵暮秋言懷一首

首夏別京輔杪秋滯三河沉沉蓬萊閣日夕鄉思多
霜剪涼地蕙風捎幽渚荷歲芳坐淪歇感此式微歌

李白潯陽紫極宮感秋一首

何處聞秋聲條條北窓竹迴薄萬古心攬之不盈掬
靜坐觀衆妙浩然媚幽獨白雲南山來就我簷下宿
嬾從唐生決羞訪李主卜四十九年非一往不可復
野情轉蕭散世道有翻覆陶令歸去來田家酒應熟

杜甫悲秋一首

涼風動萬里群盜尚縱橫家遠傳書日秋來爲客情
愁窺高鳥過老逐衆人行始欲投三峽何由見兩京

杜甫傷秋一首

林僻來人少山長去鳥微高秋收盡扇久客掩柴扉
懶慢頭時柳艱難帶減圍將軍思汗馬天子尚戎衣
白蔣風颯脆殷檉曉夜稀何年減豺虎似有故園歸

杜甫季秋江村一首

喬木村墟古踈籬野蔓懸青琴將暇日白首望霜天
登俎黃柑重支牀錦石圓遠遊雖寂寞難見此山川

杜甫大曆二年九月三十日一首

唐詩類苑 卷之六 十一
為客無時了悲秋向夕終瘴餘夔子國霜薄楚王宮
草敵虎嵐翠花禁冷葉紅年年小搖落不與故園同
杜用秋盡一首
秋盡東行且未迴茅齋寄在少城隈籬邊老却陶潛
菊江上徒逢袁紹孟雪嶺獨看西日落劔門猶阻北
人來不辭萬里長為客懷抱何時好開

冬

杜甫初冬一首

垂老戎衣窄歸休寒色深漁舟上急水獵火著高林
日有習池醉愁來梁甫吟干戈未偃息出處遂何心

杜甫孟冬一首

殊俗還多事方冬變所為破枿霜落爪嘗稻雪翻匙
巫岫寒都薄烏蠻瘴遠隨終然減灘瀨暫喜息蛟螭
駱賓王冬日宴一首

二三物外友一百杖頭錢賞洽袁公地情披樂令天
促膝鸞觴浦當爐獸炭然何須攀桂樹逢此自留連
宋之問贈司馬承禎冬宵引一首

河有冰兮山有雪北戶墜兮行人絕獨山中兮對明
月懷美人兮屢盈缺明月的的寒潭中青松幽幽吟
勁風此情不向俗人說愛而不見恨無窮

司馬承禎答之問冬宵引一首

時旣暮兮節欲春山林寂兮懷幽人登奇峯兮望白
雲悵緬邈兮象郁紛白雲悠悠去不返寒風颼颼吹
日晚不見其人誰與言歸坐彈琴思逾遠

太宗冬宵四韻一首

雕宮靜龍漏綺閣宴公侯珠簾燭猶動綉柱月光浮
雲起將歌發風停與管道瑣池任多士端袞更何憂

王維冬夜書懷一首

冬宵寒且永夜漏宮中發草白霜繁霜木衰澄清月
麗服映顏顏朱燈照華髮漢家方尚少顧影慙朝謁

王勃冬郊行望一首

桂密岩花白梨疎林葉紅江高寒望盡歸念斷征蓬

杜甫十月一日一首

有瘴非全歇爲冬不亦難夜郎溪日暖白帝峽風寒
蒸裊如千室焦糲幸一拌茲辰南國重舊俗自相歡

杜甫十二月一日三首

今朝臘月春動意雲安縣前江可憐一聲何處送書
馬百丈誰家上瀨舡未將梅蕊驚愁眼更取椒花媚
遠天明光起草人所羨肺病幾時朝日邊

二

唐詩卷之六
寒輕市上山煙碧日滿樓前江霧黃負鹽出井此溪
女打鼓發船何郡郎新亭舉目風景切茂陵著書消
渴長春花不愁不爛熳楚客惟聽棹相將

三

即看燕子入山扉豈有黃鶯歷翠微短短桃花臨水
岸輕輕柳絮點人衣春來準擬開懷久老去親知見
面稀他日一盃難強進重嗟筋力故山遠

杜甫冬深一首

花葉隨天意江溪共石根早霞隨類影寒水各依痕
易下楊朱淚難招楚客魂風濤暮不穩捨棹向誰門

杜甫歲暮一首

歲暮遠爲客邊隅還用兵烟塵犯雪嶺鼓角動江城
天地日流血朝廷誰請纓濟時敢愛死寂寞壯心驚
曉

杜甫將曉二首

石城除擊柝鈇鎖欲開關鼓角悲荒寒星河落曉山
巴人常小梗蜀使動無還垂老孤帆色飄飄犯百蠻

又

軍吏回官燭舟人自楚歌寒沙蒙薄霧落月去清波
壯惜身名晚衰慚應接多歸朝日替笏筋力定如何

唐詩卷之六
張九齡晨出郡舍林下一首

晨興步北林蕭散一開禁
復見林上月娟娟猶未沉
片雲自孤遠叢篠亦清深
無事由來貴方知物外心
崔頌和張九齡晨出林舍下一首

優閑表政清林薄賞秋成
江上懸曉月往來虛復盈
天雲抗意直郡閣晦高名
坐嘯應無欲寧辜濟物情
張九齡晨坐齋中偶而成味一首

寒露縈秋空遙山分在矚
孤頂乍脩聳微雲復相續
人茲賞地遍鳥亦愛林旭
結念憑幽遠撫躬曷鞿束
仰霄謝逸翰臨路嗟疲足
徂歲方睽携歸心亟躑躅

休閑償有素豈負南山曲

張九齡與王六履震廣州津亭曉望一首

明發臨前渚寒來淨遠空
水紋天上碧日氣海邊紅
景物分爲異人情賴此同
乘桴自有適非欲破長風
李白早望海霞邊一首

四明三千里朝起亦城霞
日出紅光散分輝照雪崖
一食嚙瓊液五內發金沙
舉手何所待青龍白虎車

杜甫曉望一首

白帝更聲盡陽臺曉色分
高峯寒上日疊嶺宿霾雲
地坼江帆隱天清木葉聞
荆扉對麋鹿應共爾爲群

李嶠酬杜五弟晴朝獨坐見贈一首

平明坐虎館曠望幾悠哉宿露分空盡朝光度隙來
影低藤架密香動藥爛開未展山陽會空番池上盃
杜甫朝二首

清旭楚宮南霜空萬嶺含野人時獨往雲木曉相參
俊鶻無聲過飢鳥下食貪病身終不動搖落任江潭

二

帆浦辰初發郊扉冷未開村踈黃葉墜野靜白鷗來
礎潤休全濕雲晴欲半迴巫山冬可恠昨夜有奔雷
夜

杜甫日暮一首

日落風亦起城頭烏尾訛黃雲高未動白水已揚波
羗婦語還哭胡兒行且歌將軍別上馬夜出擁雕戈

杜甫日暮一首

牛羊下來夕各已閉柴門風月自清夜江山非故園
石泉流暗壁草露滿秋根頭白歛明裏何須花燼繁

杜甫暮一首

江水最深地山雲薄暮時寒花隱亂草宿鳥擇深枝
舊國見何事高秋心苦悲人生不再好白髮鬢成絲

杜甫反照一首

唐詩卷之六 十九
反照開巫峽寒空半有無已低魚腹暗不盡白鹽孤
狹岸如秋水松門似畫圖牛羊識童僕既夕應傳呼

杜甫返照一首

楚王宮北正黃昏白帝城西過雨痕返照入江翻石
壁歸雲擁樹失山村衰年肺病唯高枕絕塞愁時早
閉門不可久留豺虎亂南方實有未招魂

杜甫晚一首

杖藜尋晚巷炙背近墻暄人見幽居僻吾知拙養尊
朝廷問府主耕稼學山村歸翼飛棲定寒歛亦閉門

張九齡春江晚景一首

江林皆秀發雲日復相鮮征路那逢此春心益眇然
興來祇自得佳處莫能傳薄暮津亭下餘花蒲客船

張說岳州晚景一首

晚景寒鴉集秋聲海鴈歸水光浮日去霞彩映江飛
洲白蘿花吐園红柿葉稀長沙早濕地九月未成衣

李嶠晚景悵然簡二三子一首

楚容秋悲動梁臺夕望賒梧桐稍下葉山桂欲開花
氣引迎寒露光收向晚霞長歌白水曲空對綠池華

宋之問江亭晚望一首

浩渺浸雲根煙嵐出遠村鳥歸沙有跡帆過浪無痕

望水知柔性看山欲斷魂縱情猶未已迴馬欲黃昏
杜甫向夕一首

畎畝孤城外江村乱水中深山催短景喬木易高風
鶴下雲汀近鷄栖草屋同琴書散明燭長夜始堪終

杜甫今夕行一首

今夕何夕歲云徂更長燭明不可孤咸陽客舍一事
無相與博塞爲歡娛馮陵大叫呼五白袒跣不肯成
梟廬英雄有時亦如此邂逅豈即非良圖君莫笑劉
毅從來布衣願家無儋石輸百萬

祖咏夕次田居一首

前程入鄭郊尚經百餘里馬頌時欲歇客歸程未已
落日桑柘陰遙林烟火起西還不遑宿中夜渡涇水

杜甫暝一首

日下四山陰山庭嵐氣侵牛羊歸徑險鳥雀聚枝深
正枕當星劍收書動玉琴半扉開燭影欲掩見清砧

杜甫夜一首

白夜月休弦燈光半委眠號山無定鹿落樹有驚蟬
暫憶江東鱸兼懷雪下船蠻歌犯星起重覺在天邊

二

城郭悲笳暮村墟過翼稀甲兵年數久賦歛夜深歸

唐詩卷之六
十一
暗樹依宮落明河繞寒微斗斜人更望月細鵲休飛
杜甫夜一首

絕岸風威動寒房燭影微嶺猿霜外宿江鳥夜深飛
獨坐親雄劍哀歌嘆短衣烟塵繞閭闔曰首壯心違

杜甫夜

露下天高秋氣清空山獨夜旅魂驚踈燈自照孤帟
宿新月猶懸雙杵鳴南菊再逢人卧病北書不至馬
無情步檐倚杖看牛斗銀漢迤迤接鳳城

虞世南春夜一首

春苑月徘徊竹堂侵夜開驚鳥排林度風花隔水來

楊諫荅長孫十一東山春夜見贈一首

故人謝城闕揮手碧雲期谿月照隱處松風生興時
舊林日云暮芳草歲空滋甘與子成夢請君同所思

王勃秋夜長一首

秋夜長殊木央月明白露澄清光層城綺閣遙相望
川無梁北風受節南鴈翔崇蘭委質時菊芳鳴環曳
履出長廓爲君秋夜搗衣裳織羅對鳳凰丹綺雙鴛
鴦調砧亂杵思自傷征夫萬里戍他鄉鶴關音信斷
龍門道路長君在天一方寒衣徒自香

上官儀和穎川公秋夜一首

沈寥空色遠葉黃淒序變洞浦落遵鴻長颯送巢燕
千秋流夕景萬籟含宵轉峻雉聆金祗層臺切銀箭

高適酬岑二十主簿秋夜見贈之作一首

舍下蛩亂鳴居然自蕭索緬懷高秋興忽在清夜作
感物我心勞涼風驚二毛池空菡萏死月出梧桐高
如何異鄉縣復得交才彥汨沒嗟後時蹉跎耻相見
箕山別來久魏闕誰不恋獨有江海心悠然未嘗倦

儲光羲寒夜江口泊舟一首

寒潮信未起出浦纜孤舟一夜苦風浪自然增旅愁
吳山遲海月楚火照江流欲有知音者異鄉誰可求

駱賓王寒夜獨坐遊子多懷簡知己一首

故鄉眇千里離憂積萬端鶉服長悲碎蝸廬未卜安
富鈞徒有想貧缺爲誰彈柳秋風葉脆荷晚露文團
晚金叢岸菊餘佩下幽蘭伐木傷心易維乘歸去難
獨有孤明月時照客庭寒

李白夜坐吟一首

冬夜上寒覺夜長沉吟久坐七北堂冰合井泉月入
閨金缸青凝照悲啼金缸滅啼轉多掩妾泪聽君歌
歌有聲妾有情情聲合兩無遠一語不入意從君萬
曲梁塵飛

王勃山莊夜坐一首

抱琴開野室，携酒對情人。
林塘花月下，別似一家春。
張說夜坐一首

懷哉四壁時，未有五都價。
百金誰見許，斗酒難爲贖。
落花生芳春，孤月皎清夜。
復途利交客，題戶遙相謝。
張說兵州夜坐一首

炎州苦三伏，永日卧孤城。
賴此閑庭夜，蕭條夜月明。
獨歌還太息，幽感見餘聲。
江近鶴時叫，山深猿屢鳴。
息心觀有欲，棄知返無名。
五十知天命，吾其達此生。
祖詠家園夜坐寄郭微一首

前堦微雨歇，開戶散窺林。
月出夜方淺，水涼池更深。
餘風生竹樹，清露薄衣襟。
遇物遂道嘆，懷人滋遠心。
依稀成夢想，影響絕微音。
誰念窮居者，明時嗟陸沉。
沈佺期驩州南亭夜望一首

昨望南亭夜，分明夢洛中。
室家誰道別，兒女夢嘗同。
忽覺猶言是，沉思始悟空。
肝腸餘幾寸，拭淚坐春風。
王勃山亭夜宴一首

桂宇幽襟積，山亭涼夜永。
森沉野徑寒，蕭穆岩扉靜。
竹晦南阿色，荷翻北潭影。
清興殊未歸，林端照初景。
顏真卿夜集聯句一首

寒花護月色，墜葉占風音。晝茲夕無塵慮，高雲共片
心真卿

王冷然夜光篇一首

遊人夜到汝陽間，夜色冥蒙不辨顏。誰家暗起寒山
燒，因此明中得見山。山頭山下須臾滿，歷險緣深無
暫斷。焦聲散著群樹鳴，炎氣傍臨一川煖。是時西北
多海風，吹上連天光。更雄濁烟薰，月黑高焰蕪。雲紅
初謂煉丹仙，竈裏還疑鑄劍神。溪中劃爲飛電來，照
物乍作流星併。上空西山無草光，已滅東頂熒熒猶
未絕。沸湯空谷數道水，融液陰崖幾年雪。兩京貧病

若爲居四壁，皆成鑿照餘。未得貴遊同秉燭，惟將半
景借披書

鄭愔夜遊曲一首

漢室歡娛盛，魏國文雅適。許史多暮宿，應陳從夜遊。
西園燕公子，北里召王侯。詎以將軍獵，空嗟廷尉留。
王勃夜興一首

野烟含夕渚，山月照秋林。還將中散興，來偶步兵琴。
王績夜還東溪一首

石苔應可踐，叢枝幸易攀。青溪歸路直，乘月夜歌還。
宋之問高山夜還一首

家在嵩山下好采舊山薇
目省遊泉石何曾不夜歸
杜甫夜歸一首

夜來歸來衝虎過山黑
家中已眠卧傍見北斗向江
低仰看明星當空大庭前
把燭嗔兩炬峽口驚猿聞
一箇白頭老罷舞復歌杖藜
不睡誰能那

杜甫暮歸一首

霜黃碧梧白鶴棲城上
擊柝烏復啼客子入門月皎
皎誰家搗練風淒淒南渡桂
水闕舟楫北歸秦川多
鼓鞞年過半百不稱意明日
看雲還杖藜

杜甫東屯月夜一首

抱疾漂萍老防邊舊穀屯
春農親異俗歲月在衡門
青女霜楓重黃牛峽水喧泥
雷虎鬪跡月挂客愁村
喬水澄稀影輕雲倚細根
數驚聞鵲噪暫睡想猿蹲
日轉東方白風來北斗昏
天寒不成寢無夢倚歸魂

杜甫閤夜一首

歲暮陰陽催短景天涯霜雪
霽寒宵五更鼓角聲悲
壯三峽星河影動搖野哭
千家聞戰伐夷歌幾處起
漁樵卧龍躍馬終黃土
人事音書漫寂寥

杜甫中夜一首

中夜江山靜危樓望北辰
長爲萬里客有愧百年身

故國風雲氣高堂戰伐塵胡雛負恩澤嗟爾太平人
杜甫中宵一首

西閣百尋餘中宵步綺疏飛星過水白落月動沙虛
擇木知幽鳥潛波想巨魚親朋滿天地兵甲少來書

杜甫不寐一首

瞿塘夜水里城內改更籌翳翳月沉霧輝輝星近樓
氣衰耳少寐心弱恨容愁多壘蒲山谷桃源無處求

杜甫倦夜一首

竹涼侵卧內野月蒲庭隅重露成涓滴稀星乍有無
暗飛螢自照水宿鳥相呼萬事干戈裏空悲清夜徂

社

杜甫遭田父泥飲美嚴中丞一首

步屨隨春風村村自花柳田翁逼社日邀我嘗春酒
酒酣誇新尹畜眼未見有迴頭指大男渠是弓拏手
名在飛騎籍長蕃歲時久前日放營農辛苦救衰朽
差科死則已誓不舉家走今年大作社拾遺能住否
叫婦開大瓶盆中為吾取感此氣揚揚須知風化首
語多雖襍亂說尹終在口朝來偶然出自卯將及酉
久客惜人情如何拒隣叟高聲索果栗欲起時被肘
指揮過無禮未覺村野醜月出遮我留仍嗔問升斗

杜甫社日兩篇

九農成德業百祀發光輝報效神如在馨香舊不違
南翁巴曲醉北鴈塞聲微尚想東方朔詆諧割肉歸

二

陳平亦分肉大史竟論功今日江南老他時渭北童
歡娛看絕塞涕淚落秋風鴛鴦迴金闕誰憐病峽中

蘇頲秋社日崇讓國宴得新字一首

鳴爵三農稔勾龍百代神運昌叨輔弼時泰喜黎民
樹缺池光近雲間日影新生全應有地長願樂交親

熱

杜甫熱三首

雷霆空霹靂雲雨竟虛無炎赫衣流汗低垂氣不蘇
乞爲寒水玉願作冷秋菰何似兒童歲風涼出舞雩

二

瘴雲終不滅瀘水復西來閉戶人高卧歸林鳥却迴
峽中都似火江上只空雷想見陰宮雪風門颯踏開

三

朱李沉不冷雕胡炊屢新將衰骨盡痛被暍味空頻
歛翁炎蒸景飄颻征伐人十年可解甲爲爾一霑巾
獨孤及太行苦熱行一首

駟馬上太行脩途亘遼碣王程無晉駕日昃未遑歇
請問此何時恢台朱明月長地稽天討上將方北伐
明主命使臣皇華得時傑已忘羊腸險豈憚溫風熱
搥策汗滂沱登崖思紆結炎雲如烟火溪谷將恐竭
晝景絕可畏涼颿何由發山長飛鳥墮目極行車絕
趙魏方俶擾安危俟明哲歸路豈不懷飲水有苦節
會同傳檄至起議立談決况有阮元瑜翩翩秉書札
起予歌赤坂未好踰白雪誰念剖竹人無因執羈紲

王維苦熱一首

赤日滿天地火雲成山岳草木盡焦卷川澤皆竭涸

輕紈覺衣重密樹苦陰薄莞簟不可近絺綌甫三濯
思出宇宙外曠然在寥廓長風萬里來江海蕩煩濁
却顧身爲患始知心未覺忽入耳露門宛然清凉樂

任希古和長孫秘監伏日苦熱一首

玉署三時曉金羈五日歸北林開逸徑東閣敞閑扉
池鏡分天色雲峯減日輝游鱗映荷聚驚翰遶林飛
披襟楊子宅舒嘯仰重闈

杜甫早秋苦熱堆案相仍一首

七月六日苦炎蒸對食暫冷還不能每愁夜中自足
蝸况乃秋後轉多蠅束帶發狂欲大叫簿書何急來

相仍南望青松架短壑安得赤脚踏層水

杜甫毒熱寄簡崔評事十六弟一首

大暑運金氣荆揚不知秋林下有塌翼水中無行舟
千室但掃地閉關人事休老夫轉不樂旅次兼百憂
蝮蛇暮偃蹇空床難暗投炎宵惡明燭况乃懷舊丘
開襟仰內弟執熱露白頭束帶負芒刺接居成阻脩
何當清霜飛會子臨江樓載聞大易義諷興詩家流
蘊藉異時輩檢身非苟求皇皇使臣體信是德業優
楚材釋杞梓漢苑歸騏驎短章達我心理爲識者等
杜甫夏病執熱奉懷李之芳尚書一首

衰年正苦病侵陵首夏何須氣鬱蒸大水祿茫炎海
接奇峯肆兀火雲昇思露道暘黃梅雨敢望宮恩玉
井冰不是尚書期不顧山陰野雪興難乘

寒

張九齡酬王六寒朝見詒一首

賈生流寓日揚子寂寥時在物多相背唯君獨見思
漁爲江上曲雪作郢中詞忽枉兼金訊長懷伐木詩

喬知之苦寒行一首

胡天夜清迥孤雲獨飄揚搖曳出鴈關逶迤含晶光
陰陵久徘徊幽都無多陽初寒凍已海殺氣流大荒

朔馬飲寒冰行子履胡霜路有徒役倦卧死黃沙場
羈旅因相依慟之淚霑裳由來從軍行賞存不賞亡
亡者誠已矣徒令存者傷

杜甫前苦寒行二首

漢時長安雪一丈牛馬毛寒縮如蝟楚江巫峽冰入
懷虎豹哀號又堪記秦城老翁荆揚客慣習炎蒸歲
絺綌玄冥祝融氣或交手持白羽未敢釋

二

去年白帝雪在山今年白帝雪在地凍埋蛟龍南浦
縮寒刮肌膚北風利楚人四時皆麻衣楚天萬里無

晶輝三足之鳥足恐斷羲和迭迭將安歸

杜甫後苦寒行二首

南紀巫廬瘴不絕太古以來無尺雪蠻夷長老怨苦
寒崑崙天關凍應折玄猿口噤不能嘯白鵠翅垂眼
流血安得春泥補地裂

二

晚來江門失大木猛風中夜飛白屋天兵斷斬青海
戎殺氣南行動坤軸不爾苦寒何太酷巴東之峽生
凌澌彼蒼迴幹人得知

杜甫暮寒一首

唐詩類苑卷之六
元卷之六
十一
杜甫臘日一首
霧隱平郊樹風含廣岸波
沉沉春色靜慘慘暮寒多
戊鼓猶長擊林鶯遂不歌
忽思高宴會朱袖拂雲和
臘

杜甫臘日一首

臘日常年煖尚遙今年臘日凍全消
侵陵雪色還萱草漏洩春光有柳條
縱酒欲謀良夜醉還家初散紫宸朝
口脂面藥隨恩澤翠管銀篦下九霄

唐詩類苑第六卷終

